

Тошкент давлат юридик университети
кенгашининг навбатдан ташқари 6-сон мажлиси
БАЁННОМАСИ

2021 йил 12 февраль

Тошкент шаҳри*

Раислик қилди: Р.Хакимов – ректор.

Кенгаш аъзолари: И.Рустамбеков, Н.Салаев, Д.Умаров, А.Иминов, А.Тошпулатов, Ш.Сайдуллаев, Д.Камалова, Б.Ходжаев, Д.Умархонова, А.Матмуротов, Ш.Нуруллаев, Б.Мусаев, Х.Очилов, Д.Базарова, М.Курбонов, С.Базаров, Н.Гафурова, Н.Имомов, Д.Хабибуллаев, Х.Раджабов, Ш.Исмоилов, Г.Узакова, С.Муратаев, Г.Носирходжаева, Д.Докучаев, Ш.Хўжаев, О.Тошматов, С.Юсупов, В.Давлятов, Н.Рамазонов, Ш.Пўлотов, И.Эргашев, А.Бабаджанов, Ш.Якубов, Ж.Ҳайдаров, М.Турсунов, А.Якубов, И.Джураев

Б.Норматов – кенгаш котиби.

Мажлисга Университет таркибий бўлим раҳбарлари.
таклиф этилганлар:

КУН ТАРТИБИ:

1. Ўзбекистон Республикаси адлия вазирининг 2020 йил 24 мартдаги 68-ум-сон буйруғи билан тасдиқланган Адлия органлари ва муассасаларида HR-менежмент тизими тўғрисидаги низомнинг 15²-банди бўйича Тошкент давлат юридик университетига ишга кириш учун топширган номзодларга минимал талабларни белгилаш тўғрисида

(Ректор Р.Хакимовнинг ахбороти);

2. Тошкент давлат юридик университети факультет декани, унинг ўринбосарлари, шунингдек, кафедра мудири ва профессор-ўқитувчиларнинг рейтингини аниқлаш мезонларини тасдиқлаш тўғрисида

(Ректор Р.Хакимовнинг ахбороти)

Кун тартибидаги биринчи масала – Ўзбекистон Республикаси адлия вазирининг 2020 йил 24 мартдаги 68-ум-сон буйруғи билан тасдиқланган Адлия органлари ва муассасаларида HR-менежмент тизими тўғрисидаги низомнинг 15²-банди бўйича Тошкент давлат юридик университетига ишга кириш учун топширган номзодларга минимал талабларни белгилаш тўғрисида бўлиб, ушбу масала юзасидан университет ректори Р.Хакимовнинг ахбороти эшитилди.

Мазкур масала юзасидан ректор Р.Хакимов сўзга чиқиб, Ўзбекистон Республикаси Президентининг 2020 йил 29 апрелдаги ПФ–5987-сон Фармони

*Университет кенгашининг мажлиси йиғилиши “Zoom” дастурий воситаси орқали онлайн видеоконференция кўринишида ўтказилди. Идентификатор: 819 6149 8567

билан Тошкент давлат юридик университети (кейинги ўринларда – ТДЮУ) “юриспруденция” мутахассислиги бўйича юридик кадрларни тайёрлаш, қайта тайёрлаш бўйича базавий олий таълим ва илмий-методик муассасаси этиб белгиланганлиги, шунингдек ТДЮУ ўқув ва илмий таркибий бўлинмаларини замонавий таълим шакл ва услубларини эгаллаган, ҳалол, виждонли ва малакали илмий-педагогик кадрлар билан тўлдириш вазифаси юклатилганлигини таъкидлади.

Шунингдек, ТДЮУда кадрларни танлаш, ишга қабул қилиш ва жой-жойига қўйиш, кадрлар сиёсатини белгилаш ҳамда кадрлар билан ишлаш Ўзбекистон Республикаси адлия вазирининг 2020 йил 24 мартдаги 68-ум-сон буйруғига асосан тасдиқланган Адлия органлари ва муассасаларида HR-менежмент тизими тўғрисидаги низом асосида университетга ўқув ёрдамчи ва техник, мутахассис, бошқарув ходимлари ҳамда профессор-ўқитувчиларни танлов асосида ишга қабул қилиш тартибига қатъий риоя қилган ҳолда амалга оширилаётганлигига алоҳида қайд этди.

ТДЮУ олий таълим ва илмий-методик муассасаси эканлиги, ҳозирги кунда ТДЮУнинг нуфузли халқаро рейтингларга кириши учун хорижий тиллар (инглиз, француз, немис ва япон)да эркин гаплашиш ва ёзиш қобилиятига эга ҳамда “Scopus” халқаро илмий-техник базасига кирувчи журналларда мақола (инглиз, француз, немис ва япон тилларида)ларни чоп этиш салоҳиятига эга профессор-ўқитувчиларга зарурияти мавжудлиги, шу сабабли ТДЮУга ишга киришда номзодларни ўрганиш босқичида, қоида тариқасида, қуйидаги минимал талабларни қўйиш мақсадга мувофиқлигини келтириб ўтди:

1) номзод хорижий тилларни В2 ва ундан юқори даражада билиши тўғрисидаги миллий сертификат ёки халқаро имтиҳон тизимлари бўйича расмий ҳужжат(сертификат)га эга бўлиши;

2) “Scopus” халқаро илмий-техник базасига кирувчи журналларда мақола чоп этганлиги (ҳужжат топширган ўқув йили магистратурани тамомлаган магистрантлар бундан мустасно);

3) номзод таълим соҳасида, қоида тариқасида, 3 йил давомида узлуксиз илмий-педагогик фаолият стажига эга бўлиши (магистратура мутахассислигини охириги 3 йил давомида тамомлаган магистрантлар бундан мустасно);

4) мутахассислик фанидан ўзбек, рус ёки инглиз тилларидан бирида ўтилган дарснинг 20-30 дақиқалик видеотасвирини тақдим этиши.

Мазкур талаблар дунёнинг нуфузли 500 талигига кирувчи ОТМларнинг бакалаврият ва магистратура босқичини тамомлаган ёхуд ушбу ОТМларда PhD ёки DSc илмий даражасини олганларга ҳамда ўриндошлик асосида ишлашга жалб қилинаётганларга нисбатан татбиқ этилмайди.

Юқоридагилардан келиб чиқиб, Тошкент давлат юридик университетига ишга кириш учун ҳужжат топширган номзодларга минимал талабларни кенгаш аъзоларидан тасдиқлаб беришни сўради.

Мазкур масала юзасидан проректорлар И.Рустамбеков, Н.Салаев, кафедра мудирлари Н.Гафурова, Х.Очилов ҳамда бошқа таркибий бўлим раҳбарлари фикр билдириб ўтишди.

Раислик этувчи муҳокамани якунлади.

Раислик этувчи мазкур масала юзасидан тайёрланган қарор лойиҳаси бўйича кимда қандай таклиф ва мулоҳазалар борлигини, агар таклиф ва мулоҳазалар бўлмаса, кенгаш аъзоларидан овоз беришларини сўради.

Ҳамма рози, бетараф ва қаршилар йўқ.

Мазкур масала бўйича университет кенгаши

ҚАРОР ҚИЛАДИ:

1. Ўзбекистон Республикаси адлия вазирининг 2020 йил 24 мартдаги 68-ум-сон буйруғи билан тасдиқланган Адлия органлари ва муассасаларида HR-менежмент тизими тўғрисидаги низомнинг 15²-банди бўйича Тошкент давлат юридик университетига ишга кириш учун топширган номзодларга минимал талабларни белгилаш тўғрисидаги университет ректори Р.Ҳакимовнинг ахбороти маълумот ва ижро учун қабул қилинсин.

2. Профессор-ўқитувчи иш ўринларига номзодларни дастлабки ўрганиш давомида қўйиладиган минимал талаблар сифатида, қоида тариқасида, қўйидагилар белгиланганлиги инобатга олинсин:

1) номзод хорижий тилларни В2 ва ундан юқори даражада билиши тўғрисидаги миллий сертификат ёки халқаро имтиҳон тизимлари бўйича расмий ҳужжат(сертификат)га эга бўлиши;

2) “Scopus” халқаро илмий-техник базасига кирувчи журналларда мақола чоп этганлиги (ҳужжат топширган ўқув йили магистратурани тамомлаган магистрантлар бундан мустасно);

3) номзод таълим соҳасида, қоида тариқасида, 3 йил давомида узлуксиз илмий-педагогик фаолият стажига эга бўлиши (магистратура мутахассислигини охириги 3 йил давомида тамомлаган магистрантлар бундан мустасно);

4) мутахассислик фанидан ўзбек, рус ёки инглиз тилларидан бирида ўтилган дарснинг 20-30 дақиқалик видеотасвирини тақдим этиши.

Мазкур талаблар дунёнинг нуфузли 500 талигига кирувчи ОТМларнинг бакалаврият ва магистратура босқичини тамомлаган ёхуд ушбу ОТМларда PhD ёки DSc илмий даражасини олганларга ҳамда ўриндошлик асосида

ишлашга жалб қилинаётганларга нисбатан татбиқ этилмаслиги қайд этиб ўтилсин.

3. Кадрлар бўлими (А.Матмуротов) ТДЮУда мавжуд бўш (вакант) профессор-ўқитувчи иш ўринларига номзодларни ўрганишда юқорида белгиланган минимал талабларни инобатга олсин.

4. Мазкур қарорнинг бажарилишини назорат қилиш ректор Р.Хакимов зиммасига юклансин.

Кун тартибидаги иккинчи масала – Тошкент давлат юридик университети факультет декани, унинг ўринбосарлари, кафедра мудир ва профессор-ўқитувчиларнинг рейтингини аниқлаш мезонларини тасдиқлаш тўғрисида бўлиб, ушбу масала юзасидан университет ректори Р.Хакимовнинг ахбороти эшитилди.

Мазкур масала юзасидан ректор Р.Хакимов сўзга чиқиб, Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича кўшимча чора-тадбирлар тўғрисида”ги ПФ–5987-сон Фармони ва Тошкент давлат юридик университети Кенгашининг 2020 йил 21 майдаги навбатдан ташқари мажлис баёни билан тасдиқланган Тошкент давлат юридик университетини 2030 йилгача халқаро тан олинган ташкилотлар рейтингларидаги энг яхши олий таълим муассасалари рўйхатига киритиш, шунингдек унинг миллий рейтингдаги ўрнини юксалтириш бўйича комплекс чора-тадбирлар режасида белгиланган вазифалар ижросини таъминлаш, ўқув-методик ишлар, ўқитиш сифатини, илмий, инновацион фаолият йўналишларини ҳамда ижтимоий-маънавий муҳитини ривожлантириш бўйича фаолиятини такомиллаштириш, миллий ва халқаро рейтингдаги Тошкент давлат юридик университети (кейинги ўринларда – Университет) ўрнини юксалтириш мақсадида Тошкент давлат юридик университети факультет декани, унинг ўринбосарлари, шунингдек, кафедра мудир ва профессор-ўқитувчиларнинг рейтингини аниқлаш мезонларини ишлаб чиқилганлигини қайд этди.

Шунингдек, ректор Р.Хакимов кафедра мудир ва профессор-ўқитувчиларнинг рейтингини уларнинг йўналишлар бўйича амалга оширган ишларининг натижалари асосида белгиланиши ҳамда факультет декани, унинг ўринбосарларининг рейтингини уларнинг йўналишларни мувофиқлаштириш ва ташкил этишдан келиб чиқиб белгиланишини алоҳида қайд этиб, рейтингни аниқлаш мезонлари тўғрисидаги маълумотларни келтириб ўтди.

Юқоридагилардан келиб чиқиб, Тошкент давлат юридик университети факультет декани, унинг ўринбосарлари, кафедра мудир ва профессор-

ўқитувчиларнинг рейтингини аниқлаш мезонларини кенгаш аъзоларидан тасдиқлаб беришни сўради.

Мазкур масала юзасидан проректорлар И.Рустамбеков, Н.Салаев, кафедра мудирлари Ҳ.Очилов, Н.Гафурова, Н.Имомов, Д.Хабибуллаев ҳамда бошқа таркибий бўлим раҳбарлари фикр билдириб ўтишди.

Раислик этувчи муҳокамани якунлади.

Раислик этувчи мазкур масала юзасидан тайёрланган қарор лойиҳаси бўйича кимда қандай таклиф ва мулоҳазалар борлигини, агар таклиф ва мулоҳазалар бўлмаса, кенгаш аъзоларидан овоз беришларини сўради.

Ҳамма рози, бетараф ва қаршилар йўқ.

Мазкур масала бўйича университет кенгаши

ҚАРОР ҚИЛАДИ:

1. Тошкент давлат юридик университети факультет декани, унинг ўринбосарлари, кафедра мудир ва профессор-ўқитувчиларнинг рейтингини аниқлаш мезонларини тасдиқлаш тўғрисида университет ректори Р.Ҳакимовнинг ахбороти маълумот ва ижро учун қабул қилинсин.

2. Қуйидагилар:

Тошкент давлат юридик университети факультет деканининг рейтингини аниқлаш мезонлари 1-иловага мувофиқ;

Тошкент давлат юридик университети факультет декани (ўқув ишлари бўйича)нинг ўринбосари рейтингини аниқлаш мезонлари 2-иловага мувофиқ;

Тошкент давлат юридик университети факультет декани (ёшлар билан ишлаш бўйича)нинг ўринбосари рейтингини аниқлаш мезонлари 3-иловага мувофиқ;

Тошкент давлат юридик университети факультети декани ўринбосари(илмий ишлар ва инновациялар ҳамда халқаро алоқалар бўйича)нинг рейтингини аниқлаш мезонлари 4-иловага мувофиқ;

Тошкент давлат юридик университети профессор-ўқитувчиларининг рейтингини аниқлаш мезонлари 5-иловага мувофиқ;

Факультет декани, унинг ўринбосарлари, кафедра мудир ва профессор-ўқитувчиларнинг рейтинг натижалари асосида тўплаган баллига нисбатан устама миқдорини ҳисоблаш бўйича тавсиявий методика 6-иловага мувофиқ тасдиқлансин.

Факультет декани, унинг ўринбосарлари, кафедра мудир ва профессор-ўқитувчиларнинг рейтингини ҳисоблаш мезонлари **2021 йил 1 мартдан** бошлаб амалга киритилсин.

3. Таълим сифатини назорат қилиш бўлими (Ш. Якубов) сентябрь-февраль ойлари ва март-август ойлари якуни ҳамда йил якуни бўйича

4. Кафедра мудирлари ва бошқа таркибий бўлинма раҳбарлари Таълим сифатини назорат қилиш бўлими (Ш. Якубов)га факультет декани, унинг ўринбосарлари, кафедра мудир ва профессор-ўқитувчиларнинг рейтингини ҳисоблаш билан боғлиқ ҳужжатларни **сифатли тўлдирган ҳолда ўз вақтида** тақдим қилиш лозимлиги қайд этилсин.

5. Ходимлар устамаларини тайинлаш бўйича комиссия томонидан факультет декани, унинг ўринбосарлари, кафедра мудир ва профессор-ўқитувчиларнинг илмий-методик, илмий-тадқиқот ва маънавий-ахлоқий ишларни амалга оширганлиги учун уларнинг лавозим маошига нисбатан устама ҳақ белгилашда рейтинг натижаларини инобатга олиш тавсия этилсин.

6. Электрон университет платформаси яратиш жараёнида “Электрон университет” маркази директори А.Каримов факультет декани, унинг ўринбосарлари, кафедра мудир ва профессор-ўқитувчиларнинг рейтингини ҳисоблаш билан боғлиқ ҳужжатларни **2021 йил 1 сентябрга қадар** электрон тарзда жойлаштириш ҳамда автоматик равишда рейтинг натижаларини аниқлайдиган механизм жорий этилишини таъминласин.

7. Мазкур қарорнинг бажарилишини назорат қилиш ректор Р.Хакимов зиммасига юклансин.

Кенгашга раиси

Кенгаш котиби



Р.Хакимов

Б.Норматов